

Muftijstvo travničko je na 41. redovnoj sjednici održanoj 12.09.2025. god. usvojilo prečišćeni tekst

PRAVILNIK O NAGRADI “KASIM-EF. MAŠIĆ”
NAGRADA ZA NAJUSPJEŠNIJEG MUALLIMA MUFTILUKA TRAVNIČKOG

Član 1

Ovim pravilnikom utvrđuju se kriteriji za dodjelu nagrade “KASIM-EF. MAŠIĆ” muallimima/muallimama, kojima se nagrada može dodijeliti, uvjeti i način dodjele nagrade, te druga pitanja značajna za dodjelu nagrade.

Član 2

Nagrada “KASIM-EF. MAŠIĆ” dodjeljuje se muallimima/muallimama koji su ostvarili određeni rezultat na planu muallimskog rada kao znak priznanja za ostvarene uspjehe u radu, podrška, afirmacija i podstrek ka jačem aktivizmu, promoviranju i vrednovanju muallimskog rada.

Član 3

Pravo na nagradu ostvaruju muallimi/muallime:

- koji su uključeni u muallimski rad u okviru Islamske zajednice,
- koji rade prema planu i program odobrenom od strane institucija IZ,
- koji su u radnom odnosu u institucijama IZ ili u institucijama kojima je osnivač IZ,
- koji rade na području Muftijstva travničkog,
- protiv kojih se ne vodi disciplinski postupak.

Član 4

Konkurs za dodjelu nagrade “KASIM-EF. MAŠIĆ” objavljuje Muftijstvo Travnik, putem svog web-portala kao i putem medžlisa koji mu pripadaju. Konkurs ostaje otvoren mjesec dana od dana objavljivanja. Medžlisi su dužni sve imame/muallime obavijestiti o konkursu i upoznati ih sa pravilima konkursa.

Član 5

Konkurs se objavljuje jednom godišnje, u mjesecu septembru i odnosi se na rezultate postignute samo u protekloj mektebskoj godini.

Član 6

Prijeve na konkurs popunjavaju kandidati za nagradu. Prijave se, kovertirano, šalju na adresu Muftijstva Travnik, putem pošte-preporučeno, ili direktnom predajom prijave kod sekretara Muftijstva. Uz prijavu se obavezno uzima i potvrda o prijemu prijave. Na koverti se upisuju i podaci pošiljaoca, adresa i kontakt telefon.

Član 7

Savjet Muftijstva imenuje komisiju za dodjelu nagrade “KASIM-EF. MAŠIĆ”. Komisija nakon pristizanja prijava vrši odabir kandidata i prema jedinstvenim kriterijima, koji su sastavni dio ovog Pravilnika, donosi odluku o najuspješnijem muallimu/muallimi kome će nagrada biti dodijeljena. Komisija broji 3 člana. Članovi komisije ne mogu biti kandidati za nagradu.

Član 8

Ime /na dobitnika nagrade “KASIM-EF. MAŠIĆ” se objavljuju u mjesecu oktobru, a nagrada se dodjeljuje na prvom narednom stručnom seminaru imama Muftijstva travničkog. Svečano uručenje nagrade vrši Muftija travnički.

Član 9

Dobitnik nagrade nema pravo ponovnog kandidiranja u naredne tri godine.

Član 10

Nagrada “KASIM-EF. MAŠIĆ” se sastoji od sljedećeg:

- Diplome o osvojenoj nagradi za određenu mektebsku godinu,
- Novčane nagrade u iznosu posljednje objavljene prosječne plaće u Federaciji BiH,
- Preporuke za uvećanje plaće od 5% na godinu dana od strane poslodavca,
- Dijela nagrade koji je promjenjiv (nagradno putovanje – hadž ili umra, plaćeni boravak na nekoj turističkoj destinaciji, naknadni novčani iznos i sl).

Član 11

KRITERIJI ZA VREDNOVANJE RADA MUALLIMA/MUALLIME

Red. br.	OPIS AKTIVNOSTI	Potrebna dokumentacija
1.	Broj mekteba (na svaki mekteb više po 1 bod)	Potvrda glavnog imama
2.	Broj upisane djece u mektebu (na svakih 20 polaznika 1 bod)	Kopija evidencije u dnevniku, potpisom ovjerava glavni imam
3.	Procenat redovnih polaznika nastave od ukupnog broja upisanih (po analizi mektebskog dnevnika; na svakih 10% po 0,5 bodova)	Kopija evidencije u dnevniku, potpisom ovjerava glavni imam
4.	Uči u sufari (po analizi mektebskog dnevnika; na svakih 10% od broja upisanih po 0,5 bodova)	Kopija Izvještaja sa završnih ispita, potpisom ovjerava glavni imam
5.	Uči u Kur'anu (po analizi mektebskog dnevnika; na svakih 10% od ukupnog broja upisanih po 1 bod)	Kopija Izvještaja sa završnih ispita, potpisom ovjerava glavni imam

6.	Uredno vođenje dnevnika (2 boda)	Potvrda glavnog imama na osnovu uvida u dnevnik
7.	Broj takmičara na nivou Muftijstva (prethodne godine; po takmičaru 2 boda)	Kopija diplome ili prijave od medžlisa
8.	Broj takmičara na nivou Rijasetu (prethodne godine; po takmičaru 3 boda)	Kopija diplome
9.	Broj pobjednika na nivou Muftijstva (1., 2., 3. mjesto) prethodne godine; po takmičaru 3, 2, 1 bod.	Kopija diplome
10.	Broj pobjednika na nivou Rijasetu (1., 2., 3. mjesto) prethodne godine; po takmičaru 5, 4, 3 boda.	Kopija diplome
11.	Upisano u medresu (prethodne godine; po kandidatu 0,5 bodova)	Potvrda iz medrese
12.	Učešće i osvojeno mjesto sa polaznicima na povremenim takmičenjima (po osvojenom mjestu 1- 3 boda)	Kopija diplome
13.	Ekskurzije, izleti sa polaznicima na području Medžlisa (1 bod, maksimalno 3 boda), na području Muftijstva (2 boda) na području Rijasetu (3 boda) - maksimalno 5 bodova.	Fotografija ili screen shot objavljenje vijesti, potpisom ovjerava glavni imam
14.	Programi sa polaznicima (mevludi, mubarek-noći; po programu 1 bod maksimalno 5 bodova)	Fotografija ili screen shot objavljenje vijesti, potpisom ovjerava glavni imam
15.	Saradnja sa drugim mекtebima – posjete i zajedničke aktivnosti (jedna aktivnost - 1 bod maksimalno 3 boda) -	Fotografija ili screen shot objavljenje vijesti, potpisom ovjerava glavni imam
16.	Kursevi za odrasle u trajanju minimalno 30 časova uz organizovanje završne manifestacije (svaki kurs tri boda) - maksimalno 6 bodova	Fotografija ili screen shot objavljenje vijesti, potpisom ovjerava glavni imam
17.	Opremanje (osavremenjivanje) mektebske učionice –(1-3 bodova)	Fotografija ili screen shot objavljenje vijesti, potpisom ovjerava glavni imam
18.	Roditeljski sastanci (svaki sastanak 1 bod, maksimalno 3 boda)	Kopija evidencije u dnevniku, potpisom ovjerava glavni imam
19.	Objavljeni tekst iz oblasti mektebske nastave (svaki tekst 2 boda)	Kopija objavljenog teksta (Preporod, Muallim, Glasnik i sl.)
20.	Objavljene vijesti na zvaničnim portalima IZ: Medžlisa, Muftijstva ili Rijasetu (čišćenje, akcije mekteba...; svaka vijest 0.5 bodova, maksimalno 3 boda)	Screen shoot web stranice sa objavljenom viješću

21.	Uključivanje polaznika u učenje mukabele u toku ramazana (1-3-polaznika 1 bod, od 4-6 – 2 boda, od 7-9 – 3 boda i na svakih narednih tri polaznika po jedan bod)	Evidencija prisustva sa sljedećim podacima: Ime i prezime, razred i nivo mektebske pouke, potpisom ovjerava glavni imam
22.	Saradnja sa vjeroučiteljima područne škole (1-3 boda)	Potpisana izjava vjeroučitelja sa navedenjem konkretne aktivnosti
23.	Učešće na stručnim seminarima, u godini u kojoj se kandidira (jednodnevni seminar 1 bod, višednevni seminar 2 boda) maksimalno 6 bodova	Kopija uvjerenja
24.	Uključivanje polaznika u namaske aktivnosti: - učenje ezana i mujezinjenje na dnevnim vaktovima, - mujezinjenje na džuma ili bajram-namazu, - predvođenje namaza. (maksimalno 3 boda)	Spisak polaznika po navedenim kategorijama, potpisom potvrđuje glavni imam
25.	Opći dojam članova komisije o kandidatu (1-5 boda)	
26.	Ocjena sa završnih ispita (1-5 bodova)	Kopija Izvještaja sa završnih ispita, potpisom ovjerava glavni imam
27.	Broj polaznika na završnim ispitima (svakih 10 polaznika 1 bod)	Kopija Izvještaja sa završnih ispita, potpisom ovjerava glavni imam
28.	Sekcija hifza (2 boda)	Evidencija prisustva sa sljedećim podacima: Ime i prezime, razred i nivo mektebske pouke, potpisom ovjerava glavni imam
29.	Ukupan plasmana na takmičenju na nivou medžlisa – osvojeno I mjesto - 5 bodova, II – 4, III – 3, IV – 2, V-1 bod.	Kopija Izvještaja sa mektebskog takmičenja, potpisom ovjerava glavni imam
30.	Javna hatma Kur'ani Kerima; manifestacija 3 boda, a na svakih 5 polaznika po 1 bod.	Kopija Izvještaja sa javnih hatmi, potpisom ovjerava glavni imam
31.	Godine staža, 1-5 godina 1 bod, 6-10 godina 2 boda, 11-20 godina 3 boda, 21-30 godina 4 boda, 31-40 godina 5 bodova	Potvrda nadležnog Medžlisa IZ
32.	Ostvareni raniji uspjesi u pojedinačnom plasmanu na takmičenjima u dvije mektebske godine koje su prethodile ovoj za koju se aplicira. Prilikom bodovanja računa se samo jedan nivo:	Kopije diploma ili Izvještaja sa mektebskih

- Nivo Medžlisa 1., 2., 3. mjesto u određenoj godini – 2; 1,5; 1 bod; - Nivo Muftijstva: 1.,2.,3. mjesto u određenoj godini – 3,5; 3; 2,5 boda; - Nivo Rijasetu: 1., 2., 3. mjesto u određenoj godini – 5; 4,5; 4 boda.	takmičenja na nivou medžlisa i Muftijstva
---	---

Član 12

Imam svojim potpisom na prijavi potvrđuje tačnost podataka pod moralnom i disciplinskom odgovornošću.

Član 13

Kandidat je dužan za svaki kriterij prijave priložiti vjerodostojan dokaz: kopije potrebnih stranica Dnevnika mektebske nastave, certifikate, diplome, potvrde, fotografije sa programa sa polaznicima, izleta, ekskurzija i saradnje sa drugim mektebom sa vjeroučiteljom i sl.

Član 14

Tačnost podataka pod rednim brojem; 2, 3, 4, 5, 13, 14, 15, 17, 18, 21, 24, 26, 27, 28, 29 i 30 potpisom ovjerava nadležni glavni imam.

Član 15

Dokumenti koji se prilažu kao dokazi uz aplikaciju potrebno je poredati i numerisati redoslijedom navedenim u tabeli u Članu 11 ovo pravilnika i spiralno uvezati u cjelinu. Dokumentacija koja ne bude uvezana i numerisana na prethodno navedeni način neće biti uzeta u razmatranje i smatrat će se formalno-pravno neispravnom.

Član 16

Komisija će odluku konačnom poretku prijavljenih donijeti ISKLJUČIVO na osnovu dostavljene dokumentacije. Stavke za koje nije priložena adekvatna dokumentacija neće biti bodovane. Komisija ima pravo da provjeri dostavljene podatke, zatraži dodatna objašnjenja, pozove na razgovor prijavljene kandidate. Dostavljeni podaci se smatraju tajnim, a Komisija nakon provedene procedure rezultate stavlja na uvid Muftiji travničkoj. U slučajevima jednakog broja bodova dva ili više kandidata, konačnu odluku donosi Muftija.

Član 17

Ovaj Pravilnik stupa na snagu danom donošenja.

Travnik, 12.09.2025. godine.

